

Održana IMPULS nacionalna radionica u Mostaru

24.03.2017 12:48



U Mostaru je u periodu od 21. do 23. marta 2017. godine održana IMPULS nacionalna radionica pod nazivom Podizanje svijesti o infrastrukturi prostornih podataka (IPP) i INSPIRE direktivi Evropske unije i objavljivanje metapodataka. Na početku radionice prisutne je pozdravio i poželio dobrodošlicu direktor Federalne uprave za geodetske i imovinsko-pravne poslove (FGU) g. Željko Obradović, nakon čega se krenulo s realizacijom programa radionice.

Prvog dana radionice razmatrana je problematika u vezi s izradom drafta zakona o IPP-u Federacije BiH. Radionici su prisustvovali IMPULS eksperti, članovi IMPULS tima FGU-a i članovi Radne grupe za institucionalna i pravna pitanja IPP-a FBiH, koju je imenovalo Vijeće IPP-a FBiH. Doneseni su zaključci u vezi s načinom izrade drafta te dinamikom sastajanja Radne grupe i podnošenja izvještaja Vijeću IPP-a FBiH.

Nakon završetka programa prvog dana IMPULS nacionalne radionice održana je VI. sjednica Vijeća IPP-a FBiH na kojoj su, između ostalog, pokrenute aktivnosti ustroja Radne grupe za tehničke standarde IPP-a FBiH te je donesena Odluka o izradi web-stranice Vijeća IPP-a FBiH.

Tema drugog dana IMPULS nacionalne radionice bila je priprema i uređivanje metapodataka različitih subjekata IPP-a, odnosno skupova podataka koji će se koristiti u okviru IMPULS projekta. Subjekti IPP-a koji su se odazvali pozivu i spremni su raditi na pripremi i uređivanju metapodataka su: Direkcija za ceste Federacije BiH, Federalni zavod za statistiku, Federalni geološki zavod i dr. Tokom radionice svoja iskustva su prezentirali IMPULS eksperti iz Švedske, Hrvatske i Makedonije, te članovi IMPULS tima FGU-a.

Treći dan IMPULS nacionalne radionice razmatrana je problematika u vezi s prikupljanjem podataka o subjektima IPP-a (registar subjekata IPP) i izvorima prostornih podataka IPP-a. Razmatrana su iskustva i metodologija izrade navedenih registara u Švedskoj, Hrvatskoj i Makedoniji, a učesnici su se informirali o prikupljenim podacima u Federaciji BiH (u skladu s INSPIRE specifikacijama, u okviru projekata), te potrebom stvaranja registra subjekata IPP-a FBiH (nadležnosti, postojeći podaci, neophodne promjene u registraciji podataka i dr.), kao i registra izvora prostornih podataka IPP-a FBiH (tko posjeduje prostorne podatke, koliko su ažurni, u kojem su formatu dostupni i sl.).

Izrada ovih registara je prvi korak prema izradi metapodataka, kao i prvi korak prema uspostavljanju IPP-a FBiH. Radionicu su vodili IMPULS eksperti i IMPULS tim FGU-a.

Prezentacije i fotografije sa Nacionalne radionice možete preuzeti na sljedećem [LINKU](#)



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```

